

OFFERYNNAU STATUDOL CYMRU

**2018 Rhif 1211 (Cy. 247)**

**YMADAEL Â'R UNDEB EWROPEAIDD, CYMRU**

**Rheoliadau Deddf Cyfraith sy'n Deillio o'r Undeb  
Ewropeaidd (Cymru) 2018 (Diddymu) 2018**

<i>Gwnaed</i>	-	-	-	-	<i>21 Tachwedd 2018</i>
<i>Yn dod i rym</i>	-	-			<i>22 Tachwedd 2018</i>

Mae Gweinidogion Cymru yn gwneud y Rheoliadau a ganlyn drwy arfer y pŵer a roddir gan adran 22 o Ddeddf Cyfraith sy'n Deillio o'r Undeb Ewropeaidd (Cymru) 2018<sup>(1)</sup> ("y Ddeddf").

Yn unol â pharagraff 1(2) o Atodlen 2 i'r Ddeddf, gosodwyd drafft o'r offeryn hwn gerbron Cynulliad Cenedlaethol Cymru ynghyd â datganiad sy'n nodi barn Gweinidogion Cymru ynghylch a ddylai'r weithdrefn yn is-baragraffau (6) i (14) o baragraff 1 o Atodlen 2 fod yn gymwys i'r offeryn hwn.

Yn unol â pharagraff 1(3) o Atodlen 2 i'r Ddeddf, gosodwyd datganiad gerbron Cynulliad Cenedlaethol Cymru sy'n esbonio pam y mae angen darpariaeth i addasu deddfwriaeth sylfaenol.

Yn unol â pharagraff 1(6) o Atodlen 2 i'r Ddeddf, mae Gweinidogion Cymru wedi rhoi sylw i—

- (a) unrhyw sylwadau,
- (b) unrhyw benderfyniadau gan Gynulliad Cenedlaethol Cymru, ac
- (c) unrhyw argymhellion gan bwyllgor yng Nghynulliad Cenedlaethol Cymru a chanddo'r gorchwyl o adrodd ar y rheoliadau drafft,

a wneir yn ystod y cyfnod o 60 o ddiwrnodau o ran y rheoliadau drafft<sup>(2)</sup>.

Yn unol â pharagraff 1(7) o Atodlen 2 i'r Ddeddf, mae Gweinidogion Cymru wedi gosod datganiad gerbron Cynulliad Cenedlaethol Cymru—

- (a) sy'n datgan a gyflwynwyd unrhyw sylwadau, a
- (b) sydd, os cyflwynwyd unrhyw sylwadau, yn rhoi manylion y sylwadau hynny.

Yn unol â pharagraff 1(8) o Atodlen 2 i'r Ddeddf, cymeradwywyd drafft o'r rheoliadau drwy benderfyniad gan Gynulliad Cenedlaethol Cymru.

<sup>(1)</sup> 2018 decc 3.

<sup>(2)</sup> Mae paragraff 1(16) yn darparu mai'r cyfnod o "60 o ddiwrnodau" mewn perthynas ag unrhyw reoliadau drafft yw'r cyfnod o 60 o ddiwrnodau sy'n dechrau â'r diwrnod y cafodd y rheoliadau drafft eu gosod gerbron Cynulliad Cenedlaethol Cymru. Mae paragraff 1(17) yn darparu nad oes unrhyw ystyriaeth i'w rhoi i unrhyw amser pan yw Cynulliad Cenedlaethol Cymru wedi ei ddiddymu neu ar doriad am fwy na 4 diwrnod.